


2202 1533

Sebija Izetbegović
Zastupnica u Skupštini Kantona Sarajevo



Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Predsjedavajućeg Skupštine Kantona Sarajevo

Uputiti: Ministarstvu saobraćaja Kantona Sarajevo i Uredu za borbu protiv korupcije i upravljanje kvalitetom Kantona Sarajevo

PREDMET: Video-nadzor u tramvajima, inspeksijski nadzor i odgovornost nadležnih institucija nakon tragične smrti studenta rah. Erdoana Morankića

Poštovani,

Cijeneći ozbiljnost tragičnog događaja u kojem je život izgubio student rah. Erdoan Morankić, kao i opravdanu zabrinutost javnosti zbog funkcionisanja sistema sigurnosti u javnom prevozu, a posebno sistema video-nadzora u tramvajima, u skladu sa Poslovnikom Skupštine Kantona Sarajevo upućujem sljedeća zastupnička pitanja:

I. UGRADNJA I ODRŽAVANJE VIDEO-NADZORA U TRAMVAJIMA

1. Ko je izvršio instalaciju kamera i sistema video-nadzora u tramvajima na području Kantona Sarajevo?
2. Koja firma ili pravno lice je bilo zaduženo za ugradnju sistema video-nadzora?
3. Da li je predmetna firma posjedovala sve zakonom propisane licence, ovlaštenja i dozvole za instalaciju i održavanje sistema video-nadzora?
4. Da li je sistem video-nadzora u tramvajima bio projektovan i podešen na način da čuva videozapise minimalno 30 dana?
5. Ko je bio odgovoran za održavanje sistema video-nadzora i pohranu videozapisa?
6. Da li je sistem video-nadzora bio u punoj funkciji u periodu prije nesreće u kojoj je stradao rah. Erdoan Morankić?
7. Da li su kamere i kompletan sistem video-nadzora prolazili obavezne šestomjesečne preglede ispravnosti?
8. Molim da se dostavi dokumentacija o izvršenim pregledima, servisima i kontrolama ispravnosti sistema video-nadzora za posljednje tri godine.
9. Da li su kamere bile povezane na dojavni centar i da li je sistem funkcionisao u skladu sa važećim propisima i sigurnosnim standardima?
10. Ukoliko sistem nije bio povezan sa dojavnim centrom, ko je odgovoran za takav propust?

II. INSPEKCIJSKI NADZOR I POSTUPANJE NADLEŽNIH INSTITUCIJA

1. Da li je nadležna kantonalna inspekcija ikada izvršila inspeksijski nadzor sistema video-nadzora u tramvajima prije datuma nesreće u kojoj je stradao rah. Erdoan Morankić?
2. Ukoliko jeste, molim da se dostave: datumi izvršenih nadzora, zapisnici o izvršenim kontrolama, utvrđene nepravilnosti, izrečene mjere i rokovi za njihovo otklanjanje.
3. Ukoliko nadzor nije izvršen, molim da se dostavi obrazloženje zbog čega nije izvršen imajući u vidu da se radi o pitanju sigurnosti javnog prevoza i zaštite života građana.
4. Da li je eventualno postojalo naređenje, usmena instrukcija ili drugi oblik naloga kojim je onemogućeno ili izbjegnuto provođenje inspeksijskog nadzora?
5. Ko je bio odgovoran za praćenje ispravnosti sistema video-nadzora u tramvajima?

6. Da li su nadležne institucije bile upoznate sa eventualnim problemima ili kvarovima na sistemu video-nadzora prije nesreće?

III. ODGOVORNOST I POSTUPANJE NADLEŽNIH ORGANA

1. Da li su Ministarstvo saobraćaja Kantona Sarajevo ili druge nadležne institucije pokrenule interne postupke utvrđivanja odgovornosti nakon nesreće?
2. Da li je Ured za borbu protiv korupcije i upravljanje kvalitetom Kantona Sarajevo izvršio provjere zakonitosti postupaka vezanih za: nabavku sistema video-nadzora, održavanje sistema, provođenje nadzora, eventualne propuste u postupanju nadležnih institucija?
3. Da li postoje indicije da je bilo propusta, nesavjesnog rada ili eventualnog pogodovanja u procesu nabavke, održavanja i nadzora sistema video-nadzora?
4. Da li je Tužilaštvo Kantona Sarajevo pokrenulo aktivnosti protiv odgovornih lica u cijelom lancu odgovornosti, uključujući: odgovorna lica u KJKP GRAS, firmu koja je izvršila instalaciju sistema video-nadzora, nadležne inspeksijske organe, te druga odgovorna lica koja su eventualno propustila poduzeti mjere koje su mogle spriječiti tragediju?
5. Da li su nadležne institucije izvršile procjenu da li su eventualni propusti u funkcionisanju sistema video-nadzora mogli uticati na mogućnost blagovremene reakcije i zaštite života i imovine građana?

IV. ZAŠTITA GRAĐANA I SIGURNOST JAVNOG PREVOZA

1. Koje su konkretne mjere poduzete nakon nesreće kako bi se unaprijedio sistem sigurnosti u tramvajima i ostalim vozilima javnog prevoza?
2. Da li je izvršena vanredna kontrola svih sistema video-nadzora u vozilima javnog prevoza na području Kantona Sarajevo?
3. Da li danas svi tramvaji posjeduju potpuno funkcionalan sistem video-nadzora u skladu sa propisima?
4. Koje mjere će nadležne institucije poduzeti kako bi se spriječilo ponavljanje sličnih tragedija?

ZAKLJUČAK

Građani Sarajeva su nakon tragične smrti studenta rah. Erdoana Morankića danima protestovali vjerujući da je sistem mogao i morao učiniti više na zaštiti života ljudi i sigurnosti javnog prostora.

Zbog toga javnost ima pravo znati da li su nadležne institucije, javna preduzeća, inspeksijski organi i firme zadužene za sigurnosne sisteme postupali u skladu sa zakonom, da li su poduzimane sve obavezne mjere nadzora i održavanja, te da li je eventualni nemar ili nepostupanje pojedinaca doprinijelo nastanku posljedica koje su potresle cijeli Kanton Sarajevo.

S poštovanjem,

Se
Za

